

## Kálag eche Judε Ndibned ní kálag

Kálag eche Judε ântenlé, antel chó âtângen be-  
meléede bé metóm ábe bélúmté'áá bán bédé bad  
ábe bédúbpé Krĭstæ. Enén kálag eéchabéé áte.  
Chómpē ewágné kálag echě elónténé éβε echě  
Petro átélé (2 Petro). Judε awéde' Bad bé Krĭsto  
nlém, áá bésúm mekuu ámbĭd e mbále e nkalaŋ  
ní bwâm. Áá nímê nkalaŋ ní bwâm méehaŋlánné.  
Áá Dyöb dêmbě mó wée ábē bad ngen póg ne ngen  
ésyāāl.

### Nkabtéd ní kálag

Ndibned ní kálag 1-2

Abé ne ayáged dé bemeléede bé metóm ne  
ebómán éche békudté 3-16

Bélébe bad áwúu áte á adúbe tē 17-23

Nnamed mé asóg 24-25

### *Judε alómé melentēn*

<sup>1</sup> Mε Judε, ndii mbæledε awe Yesu Krĭstæ, mbé-'ε  
Jemse mwānyan. Mε-εé ntenle' nyé bad ábe Dyöb  
ápwédé enén kálag. Nyébĭi nén bán Dyöb Titée  
adáá nyé, Yesu Krĭstæ-'ε anone' nyé.

<sup>2</sup> Ngol e Dyöb, nsaŋ ní Dyöb ne edaŋge é Dyöb  
ébád abé ne nyé.

### *Bad bé metóm*

<sup>3</sup> A-baányan, nkénwanén nyé atele bwâmbwam  
tâŋgene e'sooson ábe Dyöb ábágé syánē mbwiined  
ne Yesu Krĭstæ. Boŋ bōob nnyiné mēé ébóó bán

ńítele nyé t̃h̃ene mekan mémpēe. Nwéde nyé nlém á abum nén mēé, nyésuṃ mekuu ámbíd e mbáale e nkalaŋ ní bwám. Mmén nkalaŋ ní bwám méeh̃aŋlánne. Dyõb dēmbě mó wée ábē bad ngen póg ne ngen ésyāā.

<sup>4</sup> Nhóbe' nén áyāle bad ábe béewóo abé á bad bé Dyõb bésólé átíntē echên á mesõm-tē. Abē bad bēhóbe' nén bán nsimé míme Dyõb ábágé syánē ne alagsen áde álagsanné syánē mbéb, ábágé syánē kunze ábel mbinde é mekan. Dyõb dēmmäd nkógsen míme ábē bad békúdé atíi se' bõód. Abē bad béekobéé Yesu Krístāá áde édíí-'aá bán Yesuē mwēmp̃en móó adé syánē Sáá abé-'ε Nkamlēnē.

<sup>5</sup> Kénéé nyébíí mímén mekan mésyāā, ndáó mēé níkamten nyé ngáne Sáŋgwéé ánhũdtē bad bé Israel á mekáá mé bad bé Egipto boŋ ámbíd e pónde abódéd alongé a bad ábe bēnkēsum nlém áwē.

<sup>6</sup> Nyékamten-ne ángel ámpē échě énkēndyēé hõm áde Dyõb dēnnabnédté bõ, boŋ bēnhidé áde abwóg á hõm wée bēntāŋgēnnē abé. Dyõb ábánné bõ á mehaŋ á mbwõg mé ehíntén wée bēbēē abé ne abé ké ámbíd e Epun émbáá é nkáásé.

<sup>7</sup> Ndáó mēé nyékamten kááŋne myad mé Sodom ne Gomora ne myad míme mébédé bõ bēnbēn. Bad ábe bēbédé mímē myad, békábé'áá mesón, bēhídē-'ε mekan mé esíí mé ekob é yāl míme moonyoŋ éetāŋgenēé abel. Békúdé nkógsen ní muú míme méēdíímē'. Mmén nkógsen níde álúmed bad bēmpēe bán nén áhēlēse ábēnléd ne bõ.

<sup>8</sup> Boŋ kénē, ábē bad ábe bésólé átíntē echên bõmpē bédíi bēnaŋge nló bán nkamlēn níde áwāb mekáá. Mmē nló níbele' bēbele' mbinde é mekan,

béēnyīnēē nkamlēn ní Dyōb nées dyaṃ, béšyā-’ε ngumε éche édé ámīn.

<sup>9</sup> Boṅ ké Maikεε, ángel embáá enkéntédté ne mó mwēn ásyáṅ Satanε áde búṃṃ bépéntánnáá t̄ṅgεne mod awe átēd ndim níme Mosεε. Anláá mó dásō aá, “Sáṅgwéé ákógseṅ wε.”

<sup>10</sup> Boṅ ábē bad ábe bésólé átíntē echēn pεn, kéchéé éche béésōṅtεnεé béhóbe chó mam mé mbéb áyāl. Kéchéé éche épédé bó á mewēmtεn chóó bébεléé. Bébεléé nées nyam é mehín. Mmē mekan mēn móó mépiinad bó kwééd.

<sup>11</sup> Medim ne bó. Bómpē bébεle’ ngáne Keenε awē anwúú mwānyan ámbεnlé. A etútú é mōné, béhεle bébēl kéchéé, ngáne Balamε. E’wúu bé nló-áte ábāb bébēl bómpē béwē melemlεm nēṅgáne Koraa ánwēē áyāle anwúén Dyōb nló áte.

<sup>12</sup> Abé bad béékwāgēē, né-óó nzé nyáābōó nyéladné ádyé ndyééd álúmed edṅge éche Sáṅgwéé, bébεlé bébé nēṅgáne mbinde átíntē echēn. Echab yāl chēn chóó bétōṅtanné. Bédii nées mbag échē epub ékεεnεé échē élúṃte’ bán mbúú échō, áde ééchó’é. Bédii nēṅgáne mēl níme méechyāā’ e’pum ké á pón dé échē mēl méchyāá’é. Bénábpé awé nēṅgáne bwel ábe béwúbne nkan ásē.

<sup>13</sup> Bédii nēṅgáne edīb é nkwě éche éhode’ ne ngíne. Ahod áde éhodεé ébídte’ mbinde á nkin. Nē dōó ádāb abé dé mbéb ábídεé áwed. Bédii nées betintine ábe bétamnad. Ndib e ehíntén echē Dyōb ákóṅnédé bó esine bó, ēbē-’ε abé ne abé.

<sup>14</sup> Enṅge awē anlóntén nyongel saámbé á mbyaa níme Adamε, anhób se’ bōód á’sō é’ pón dé t̄ṅgεne ábén bad. Anhób aá, “Nyénōne’, Sáṅgwéé āpεén

e'kálé ne e'kálé é' ángel éche ésáá.

15 Akāād bad bé nkõḥsé bésyāāl. Akwīd bad bésyāāl ábe ádab abé déesaá néε abé á bad bé Dyõb nkáá, akõgsén-ne bad bé mbéb ábe béewóo mbwóg ní Dyõb. Akõgsén bó áyāle mam mé mbéb míme béhóbεé tñgene mó.”

16 Abén bad béyõgke' anyoo áte béyõgké-'ε bad ahób ngên. Bébele' dyaam dé mbéb ké áhéé áde bédáá abel. Békume ekáá á tål, bényinte-'ε nsal áte ábel békud bwām.

*Nyébê nyékεene' adúbe á mbále á'sõ*

17 Boḥ a-baányan, nyé pεn nyékamtεn mam míme bembapεε bé nlómag ábe Sáá awεd, Yesu Krīstæa bénlāā'ε nyé.

18 Bénlāā nyé bán “Ade e'pun bé asóg bépεé, bad bépě, béwεlé nyé, béhīdē' échab esíí é mekan mé ekob é yāl.”

19 Echén ndín é bad chõõ épεene' nkabén átíntê e bad bé Dyõb. Esíí é mekan mé mbéb mé nkõḥsé ékamlan bó, béewóo-'áa Edáádæḥ é Dyõb áte.

20 Boḥ a-baányan, adúbe áde ásáá áde nyéwóo ábê ákwoge' ákag á'sõ. Nyékāanne', ngíne e Edáádæḥ éche Ésáá élyágte' nyé.

21 Nyékεene' alongé ádēn á'sõ nyaa eche nyéchemlédté nén bán Dyõb ádáá nyé. Nyésine', nyélyâg nlém nén bán Sáá awêd Yesu Krīstæa äpě, äbenléd míme nlém ní ngal, nyékud alongé áde déemaá'. Abel nén áyāle adáá nyé.

22 Nyéwõḥ nlém ní ngal wéε bad ábe béédúbpe ne nlém nhóg.

23 Nyéson alongé a bad bémpēe. Nyéhūd bó á dū á muú mehélé. Bémpēe bédé ábe nyétñgené

nlém ní ngəl awânlen, boŋ pen nyétédən bó pónde. Nyétáŋgéné káŋne échab mbóté akɔɔ byánán esí é mekan mé mbéb mé ekob é yəl ékóbté chó mbinde.

*Mekáne mé mekenag*

<sup>24</sup> Ehúmé ébê ne Dyöb áde ábele' boŋ nyéehúné á mbéb-te. Mwën-aá apɛɛne' nyé abwóg á hóm wéɛ mwën ádíí ne ehúmé. Apɛén nyé áhed ésebán atón dé mbéb ké ahóg ádé nyé á yəl, nyéɛbē-ε menyinŋe.

<sup>25</sup> Edúbé ésyāəl ébê ne mó. Mwěmpen móo adé Dyöb áde ásóo alongé ádēd mbwiined ne chöm-éɛ Yesu Krístəə Sánŋwéé awêd ábélé. Ehúmé, edúbé, ngum, ne nkamlen n̄syāəl n̄díí n̄mē, se á mbooted, bɔɔb, ne á ngíndé. Ebê nê.

**Mel̃ Mékōōlē**  
**New Testament in Akoose (CM:bss:Akoose)**

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akoose

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48